

晚晴移詩匯

晚晴移詩匯卷一百十一目錄

褚華 六首

夏敬渠 五首

夏敬顏 七首

張婁 七首

馬鼎梅 五首

馬春田 十一首

馬廷芬 一首

張鉉 七首

熊象巖 四首

熊寶泰 一首

陳澤泰 一首

羅從繩 二首

文元星 二首

張尙綱 二首

楊試昕 三首

楊試德 二首

馬光裘 二首

張學仁 三首

顧仙根 七首

徐堅 二首

王麟生 一首

李學孝 七首

李景董

一首

吳讓恆

二首

陳本直

二首

邱璋

二首

黃文暘

二首

李御

一首

曹士俊

一首

朱穎

五首

徐子威

四首

湯潤泰

二首

朱逢泰

二首

張廷珪

一首

曾廷枚

三首

晚晴簃詩匯卷一百十一

徐世昌

褚華字秋萼號文洲上海人諸生有寶書堂詩鈔

孫子肅曰文洲詩奇崛處似昌黎汗漫處似東坡亦間爲朱絃清泥近大惡十子蓋其清氣宿心發於妙旨非以學而能故無學而不能也

月麓和尚碑

和尚姓趙名孟僞參文丞相軍事宋亡爲黃冠後入釋居郡城本一禪院今雲

寺

北軍夜擁都督行帳前奇士哭失聲勤王義旅檄難起白
首眼見滄桑更閉門嬾埽空廊雪自憶興亡夢中說學仙
學佛兩無心此身但與塵緣絕君不見臨安臺殿荒梧楸
六皇龍種編九流蓋盛脫粟甘獨茹弗騎款段西河游一
抔遺塔青苔古骨化王孫節彌苦行人若弔宋遺民豈止

西臺謝皋羽

青溪柵晉尙書卞忠貞戰處也上海人褚華弔而哀
之爲賦青溪曲

歷陽馬肥怒敵芻一夕捲甲軍長驅江頭烽火寂不舉元
戎安在烏畢逋手無斧柯奈賊何仰天自誓七尺軀青溪
有柵勢亦孤賊攻以火柵焦枯閭門巷戰死白刃死時猶
聞振臂呼青溪柵水瀾漫石頭城山歷亂前有卞壺後袁
粲

蘭花詠

蒼煙漠漠松篁徑萬朵瑤花破春冷月明老鶴飛上天美
人下山踏花影曉露洗東風吹香霧溼衣君不知心舍幽
怨立許久修蛾綠過湘江湄

奔牛古樹詩

奔牛四樹大廿圍昔曾化龍身欲飛雷公急擊一株死三
株懾伏藏僧扉枝葉婆娑廣庭裏怒吼終宵聲未已每因
風雨滿空時昂首牆頭望江水濃陰六月生涼秋中間千
人坐可留鄰翁白髮莫言老見翁遠祖來牧牛五季兵戈
此錯處樵斧何緣獨寬汝我來問樹樹應知翠碧森森卻
無語

洪武鐘在西郊靜安寺上有題識曰洪武二年鑄祝
皇太子千秋

黃頭監下殿呼白足僧上階趨願祝太子千萬歲歸來鑄
鐘大如五石瓠燕尾延延柰何許兵入金川門守城無一
旅宮中鐘斷其虞寺裏鐘寂無語天狗入太微太微不犯

犯前星佛力廣大何不壽商太丁木顛巢鳴鵙鳴不死
死鳳凰佛力廣大何不庇周成王

張白雲先生祠

道人買山無一錢今留祠宇蒼松前起家入直羽林衛挂
冠歸隱知何年甲申都城危不守公卿迎賊拜馬首虎狼
分踞九殿喧鞭扑當階佐行酒屍馱廣柳賊醉歌笑顧黃
金高北斗囊空官小公莫苦脫身間關到鄉土栖霞寺古
白雲多猶許孤臣作菴主登州海遠煤山青君親生死一
夢醒南都將相非我願後庭歌吹難爲聽臨春結綺倚嬌
娥防江策盡喚柰何道人自抱白雲卧世上一度滄桑過
我來弔古繖山曲雨歇顏垣秋草綠當時翦燭夜窗人想
見哀吟聲斷續

夏敬渠字懋修號二銘江陰人諸生有浣玉集

詩話二銘負才振奇長於史學所著綱目舉正論古
有獨到處老而不遇借裨官家言以洩其鬱勃識者
哀之詩亦過事馳騁其
晚摯含蓄者特見深婉

遠行

遠行出門閭舉足心自量鄙夫念雞肋男子志四方勿作
兒女態徘徊在閨房閨房詎足道瞻顧萱草堂秋風勢如
雨秋露色如霜蕭蕭萱草堂皇皇游子裝游子爲飢驅貿
然適殊鄉仰頭發長嘯低頭重徬徨兒行二千里母心萬
里長萬里有時極母心無時忘母心不能忘兒行途路旁
路旁無深谷路旁無高岡高岡與深谷乃在慈母腸游子
動深省淚下沾衣裳兒淚有時乾母心無時忘母心不能
忘兒行途路旁兒行途路旁一行一悲傷

送楚雄太守張禹則之官

萬里不爲遠五馬不爲榮男兒生卽設弧矢簪纓本是鵠
毛輕去去勿復念所念在蒼生蒼生不爾棄詎必爲公卿
遠莫遠於階前一片土榮莫榮於杜母與召父惜此遠兮
慕此榮爲祥麟兮勿爲虎

烏衣巷

烏衣巷裏舊堂前燕子呢喃人不見一年一度逐春風春
風不識當時燕燕去人亡巷黯然而來卧聽秋聲顫雞鳴
山頭瓦幾堆臨春結綺顏色變六朝事業隨流水潮打空
城白如練虎踞龍蟠在眼前風雲易失英雄面書生本無
縛雞力便欲歸家焚筆硯風流李白卽吾師蘭陵美酒須
嘗徧漢水無時西北流空論南金與竹箭北邙萬古復千

秋松柏聲中無貴賤

春怨

堂中何事話周遮燕子無端到妾家夜雨譜成長恨曲春風釀出可憐花鐘聲枕畔天難曉柳色樓頭日易斜遙望白雲最深處也知嘯殺後棲鴉

都門除夕

千里壯心辭骨肉三更殘蠟對風塵不須後日催前日已見今人代昔人燭淚正憐除夜影椒花又頌別年春可能裘馬翩翩地自著綈袍穩稱身

夏敬顏字咫威一字芷隈江陰人有蓬鶴軒橐

詩話芷隈博學多聞從翁覃谿校士江右山左復初齋詩中屢有唱和其詩派亦頗近覃谿蓋雅士也

出南康城望廬山雲煙

秋山曉若失極睇但巖巖旬日院園中不厭兩相對今晨
筍輿上似詭紛異態始焉吐徐徐玉互匡君帶多羅與妙
鬟婉嬙冒朝黛五老乍見招羅列擁幢蓋白纔縈鬚眉青
歛覆鰐背頃刻噓輪囷一氣六合內雲將過扶搖乃爲此
狡獪何當乘旖旎上叩紫金界帝命雲中君酌以霞漿瀝
庶幾膚寸澤八殞資灌溉行行指秀峯清梵答松籟

萬杉寺途中卽目

窄徑出叢碧池邐漸曠原山田高復下方郢依雲根暝翠
結菴屋清流抱柴門門前蔭桑柘屋後羅雞豚山家禾黍
熟想見風俗敦比鄰無嫌猜相對生春溫得非桃花源無
乃朱陳村詠茅儻終遂試與荷篠論

王文成紀功石刻

武宗荒游居豹房羣小竊柄如沸蟾逆濠覬覬神器久稱
兵向闕殺且狂大江南北俱震動誰其戢亂餘姚王先生
本是道學者見大敵勇非尋常徐邢伍戴盡文吏指揮一
一皆騰驤誓師樟樹決勝算攻瑕搗穴先南昌南昌已下
賊膽落情歸逆擊趨鄱陽前鋒文定銳莫當徐戴夾擊兩
翼張須臾伏發湖中央賊屢卻保樵舍傍掩之縱火焚舩
鯨鯢駭竄紛倉皇雷霆頃刻驅櫓槍龍鼉盡徙蛟螭藏
彭蠡之水流湯湯甲兵淨洗疑清光嗚呼功大乃得謗尊
沓貝錦來貂璫先生智勇由主靜淵乎器宇何可量綸巾
翩然九華去彷彿辟穀留侯良明年庚辰正月晦摩崖銘
泐山之岡大書天子赫斯怒神武不殺威奮揚武昭皇靈
靖邦國瓌辭謨誥相頡頏勳猷道德本一貫知行何苦區

低昂陋儒紛紛訾講學如公成就猶雌黃蚍蜉撼樹何足
較臨風一笑增慨慷讀書臺前剔蘚讀白裕涼襲巖桂香
燕然山銘尙遜此直埽月露風雲章摩窠楷正妙結構儼
若冠劍立廟廊此山此刻並不朽風雷呵護森光芒

招隱橋

叢桂小山發言尋煙水遙何人此肥遯巖月若爲招松暝
入歸鳥雲深出暮樵似聞猿鶴怨蘿徑晚蕭蕭

自饒州之廣信舟中雜詠

水碧沙明路丹楓白雁天纔攜謝公屐又泛米家船宿鷺
窺漁火昏鴉帶暝煙歸帆曾此泊彈指八年前
絕似袁陽道驚濤舵尾喧白蘋煙際渡黃葉雨中村縹緲
神仙窟崢嶸虎象蹲荆關留粉本試與翦燈論

寒雨滴蓬背聲聲到客心江湖憎夜永襖被感秋深投愧
班生筆歸同莊舄吟昔賢崇節操翹企碧雲岑

張叟字夢園江蘇華亭人有偶留草

詩話夢園自言幼處孤露年甫冠復抱沈疴遂謝去
舉子業泛鷺軒岐星數聲律之學惟韻語爲性所好
今其詩草乃其手所刪存僅留一卷頗爲矜慎皖江
雜詩數十首爲夢園於戊戌歲省其兄藹堂於建德
縣署蓋皆紀游之什清超雅潔王
條山謂其天分獨絕非溢美也

游寒山寺

雨歇平林綠意肥偶從幽討叩僧扉四圍峯影窗前落百
道泉聲樹杪飛客子游蹤嗟懶散山家花事正芳菲一番
茶話扶筇去傾耳疎鐘在翠微

黃山松歌

我聞黃山有雲海瀰漫傾洞天下奇中有老松壽千歲紛

月山余言 卷之一 下 一
拏爪鬣揚之而雲開每露松影出風濤勃鬱排嶽巘高頂
盤空跳蒼鼠低枝覆土垂修蛇聞之軒轅曾駐此鸞驂鶴
馭雲中隨一朝餌丹拔宅去遺薪往往成蚪枝舊事荒唐
不可考仙根自有神靈司青羊白鹿繞其下或眠豐草或
銜芝泰山徂徠亦奇古若爲遙映等孫兒何時得與浮邱
約倚巖就石結茅茨氣清天朗萬籟寂拍肩一笑陳圍棋
鴛湖秋泛

鴛湖煙水闊一棹望中迷野迴雲連樹風高浪壓隄酒帘
金墓北漁笛石帆西歸去憐天晚寒鴉不住颺

春來風雨浹旬雪後始霽

春陰漠漠拂溪莊薄雪催晴敞夕陽生意乍同芳草路風
光漸入早鶯吭煙霞癖在終成懶藥石緣深亦助忙結習

近來消欲盡猶開一戒爲持觴

小除夜泊池陽

遙指池陽郭收帆暮色蒼漸聞鄉語變始信客途長夜短
潮催月江寒雁報霜驚心更歲晚不柰九迴腸

大觀亭

傑閣涵虛萬里秋江山元氣共沈浮天低星斗當窗落地
圻雲濤入檻流煙外人聲朝暮市日邊鳥影往來舟故園
回首西風急縹緲孤城畫角愁

大風過天門山

高峯聳兩肩巖巖不可仰大江截中流豁達開天仗上樓
鴈鵲巢下瞰蛟龍藏偃風起漩渦倏忽相摩盪馮夷亦狡
獪欲與山靈抗鬪險觸危磯排空壓巨浪煙光紛陸離作

勢殊萬狀扁郎好身手到此心膽喪屏息戒勿喧燒紙邀
神貺疾雷驚一霎回首失羣嶂同行顏始開相顧勞無恙
臨深古有訓此意胡不廣作詩招征魂落日聞漁唱

馬鼎梅字汝爲號東園桐城人官潯州通判署思恩知
府有代躬耕軒詩鈔

游峽山

我來二禺峽不見二禺君古洞餘蒼蘚空山起白雲江流
浩浩帆影自紛紛返棹一同首清鐘天際聞

月夜登燕子磯

風濤自吐吞今古向誰論山欲截江住雲思挾月奔潮洶
瓜步闊峯擁秣陵尊多少登臨客都無名姓存

喜遇陳曼生明府

幾年別夢繞滄洲此日逢君破旅愁自愛養閒辭幕府人
傳餘論動諸侯襟懷不爲貧來減筆墨多從冷處留何怪
浮沈下僚屬聲名官職兩相仇

金陵病愈寫懷

紙閣繩牀靜似禪藥鑪茗盃自周旋書憑黃耳愁難寄鏡
對朱顏幸早痊絕塞雁來霜葉後小樓人散菊花前龍江
幾點蕭蕭雨夢醒秋風又一年

憶昔

征南幕府詔名流蠻語參軍憶昔游錦帳夜懸珠海月牙
旗高捲虎門秋解鞍立就盧循表飲器擎看林邑頭今日
扁舟風雨惡短篷孤枕夢花洲

馬春田字雨耕桐城人諸生有乃亨詩集

洪稚存曰雨耕詩如春之宜人
治之鑄物自出機杼一空依傍
詩話雨耕與姚惜抱爲中表兄弟交最篤其詩豪放
處頗近青蓮奇闕處往往平揖坡谷七古音調間有
不合而粗率之處
亦爲大醇之累

焦山

天清東瞰倭夷島地僻西違京口城海上一卷鼇戴立漢
時三詔豹藏名胚胎元氣皴煙霧鬱律中流跨鰲鯨午夜
報聞紅日出雙峯閣上挂銅鉦

高郵道中

四月南風撲面迎一舟竹簾愔愔牽行童童遠樹青如蓋中
有連耒打麥聲

謝蒼簑寄游燕子磯詩答之

三十年前記泊舟撲江燕子有危樓馬周字已題前日謝

朧詩今在上頭東水潮來天共碧西風客去意仍留飛飛
不與龍蟠遠終古多情是石尤

漱六自句容赴流陽寄詩與余遙別答之

龍潭水接閩江流百里潮連易溯游枉渚依蘆眠塞雁涼
風吹浪起沙鷗好攜江左三家筆去寫淮南九月秋聞有
韓山祀韓信爲余沽酒酌名流

東浦方伯邀同惜抱游支硎諸勝

姑蘇眺形勝西南孕巖壑卣帆高攀橋飛蓋赴嵯峨一登
支硎山不見支公鶴千尺雪流泉琤琮有脈絡遙指見天
平萬笏插碧落名賢以地靈相慕起敬恪何處館娃宮門
外清波闊此日經行處昔年都領略山山盡相識忘疲便
行躋暮色已蒼然呼船聞應諾夜來欸乃聲行歌未寂寞

月上聽雞鳴舟倚穹窿脚羣峯此最高杳靄厚盤礴道觀
瞰太湖清光浸天廓鄧尉巖相望聳翠不示弱中途古柏
寺七柏森可愕盤桓不能去龍鸞蛟螭攫舍之循山徑夾
道紛枝杳萬峯叩禪關坐向還元閣閣上題詠多紗籠映
簾幕法華漁洋山眉黛鏡中作湖雲繚僧樓煙水空漠漠
衣上雲能雨飛向崖下落寺後青州塋晉青州刺史
郁泰元墓具區
面杯杓近嶺一米堆命名象形謔逶迤四五里香雪梅未
萼有臺踞梅顛凡夫家園樂趙宦
光園柰何桑補梅鄙哉此土
著雲表光福塔行行踰橫釣村市野而秀寺碑字難度銅
佛禱雨靈僧言疑未確人境苦患患煙霞念宿約路從兒
店分船向女湖泊同首名勝游客去山仍昨藐予塵埃子
不得名山託詩句比圖經他年按圖索

訪友

一介之士有密友離羣索居古所否當年親故歎周零祇
今存者曰某某老夫羈客數十年迢遞孤懷向誰剖曉首
垂羽返舊扉變盡形容成老叟相逢多笑不相識欲道名
稱畏出口眾中雜我衰鈍翁舊雨今雨忘其醜巷北城南
數往來花晨月夕頻尊酒更逢遠客賦新歸乍慶鄉關忽
攜手此際班荆那肯休竝道維桑宜共守豈真湖海少交
游不及暉堪同井畝莫厭造請叩門譁隔面須知嗟已久

登北樓作

宣州治冠陵陽頂百尺層樓出此巔宛水無聲流檻外敬
亭如畫落檐前去天一握宜晴雨拔地千尋瞰井廬爲誦
元暉閒坐句高深曠望似當年

送方象三之皖城

草草陵陽春夏過班魚同沼燕同窩青雲樓上憑高賦白
雨聲中倚醉歌壯不如人今我老請從此別柰若何重逢
但願前期在惜抱齋頭會合多

親舊中年逾八十者王謹齋張萊園姚惜抱已八十
者僕與光漱六作五老歌

謹齋地上飛行仙往來滇南東西川薄宦歸來清俸錢一
童一屐搖長鞭今朝跳上過江船萊園當時美少年方瞳
碧眼窺殘編耳聾那知塵俗喧飲酒食肉夜安眠左右就
養後昆賢惜抱清顯天下傳翰墨文章誰比肩鍾山之旁
硯爲田欲歸不歸豈流連名家舊物惟青氈雨耕虛度殊
索然不材散木徒遷延舊游空憶歌舞筵冷吟細響如秋

蟬願詣帝所聞鈞天漱六一第四十年誰能置之冠蓋前
筋力垂竭神明全倔強不杖不受憐

讀黃山谷集

山谷老人人俊偉餘事作詩愛譎詭倔強不若韓退之苦
烈有讓樊宗師倩盼副笄皆所棄最喜齟齬墮馬髻歌之
則鉤鉤繚繚之則骹骹譬如品物中有味玉山樵蘇黃雖竝
稱蘇宮而黃徵謂黃爲學杜黃渠而杜海封域不妨邾莒
邦何必定與齊晉齒

惜抱於九月十三日謝世

前得報我書依然文字美雖竊心喜之兩端如首鼠再生
恐再亡天意不可恃歷過冬與春斯爲眞幸爾詎知閱三
旬再病不再起雖曰關命數歸遲失所止我哭不成聲猿

腸寸斷矣從茲吾道孤那更愛其死但愧不能文不敢作
君誄

馬廷芬字桂生桐城人有德素堂詩存

江上送客

江雲隨地起江水接天流曠野初鳴雁微風正放舟潮聲
催遠客雨氣黯深秋欲別渾無語荆南是勝游

張鉉字舸齋丹徒人有飲綠山堂詩集

臨東亭看月

天風吹海月如水浸虛亭醉客發長嘯餘音入竊冥江光
秋早白山色夜逾青何處孤舟遂淒涼不可聽

焦山自然菴坐雨

蕭蕭江上雨急點振林寒把酒話今夕臨風懷古歎滄波

秋已晚紅燭夜初殘我亦耽棲隱蝸廬信可安

登劍門

絕壁何代闢中分稱劍門豈繫巨靈手擘斷蒼雲根我從
湖中來但見雲吐吞今晨訪岩壑剗然蒼翠痕攀躋甫及
半滄海浮朝曦俯仰覺愈艱手更煙蘿捫羣山倏然低始
覺茲峯尊絕鑿厯幽險悠悠誰與論

石帆樓

淩江片石似帆飛帆外危樓與石齊萬里海風天浩浩六
朝文物草萋萋城頭畫角迎秋迴杯底銀河入檻低爲語
山僧勤掃葺巡春翠輦此留題

過隨園

西州門畔重經過

朝天宮西州橋卽其地

風景依然喚奈何樓上重

簾低夕照橋邊小艇壓枯荷絳紗帳掩人來少黃葉林空
鳥散多此日羊曇倍惆悵那堪扶醉訪煙蘿

深雲菴壁上讀外舅海門先生詩

兒時見此詩面壁心歡喜盤桓日云暮惟誦猶未已今晨
款禪扉破竈茶煙起塵封閣上經蝸篆窗間几重啟碧紗
籠生氣猶滿紙名山留千秋先生長不死

清明前三日甘墩村看桃花

春半尙陰寒閒居感羈旅散愁過北關獨行無伴侶頗聞
甘墩中花向東風語快喚壩上舟隨風任容與行行十里
餘明妝無幾許遙瞻李王塘嫣紅纔半吐徒見往來艘茶
商雜漁父回首憶年時勝情恣豪舉分舫徵笙歌聯輿嬉
士女茲辰近寒食光風客和煦穆然溯疇曩愈覺妙情緒

寂寞打槩還百壺倒村酤
鐙明彌勒龕蕭蕭聞夜雨

熊象黻字補亭潛山人有補亭遺詩

秋日道中寄京口友人

一車千里外馬首又斜陽
秋色還黃菊風聲借白楊
知君當此日憶我在他鄉
擬欲來京口重登君子堂

因是菴

初地知幽邃茲登因是樓
白門三日雨黃葉萬家秋
獨往迷新徑憑高遲舊游
上方清磬響遙出碧池頭

舟中

昔從北地窮沙漠轉入南湘
下漢皋但覺家隨芳草遠
暗知船共晚潮高客中傲態容
三拜鏡裏衰顏借二毛
王粲鴈衡俱下世文章應得入吾曹

舟抵蘇州

半春卧病木蘭舟今日推窗見虎邱
梅雨滿天花滿岸舫聲不斷到蘇州

熊寶泰字善惟一字芸楣潛山人諸生有藕頤類稿

甲子除夕

壯心久已笑規磨林木都無睡作魔
倏爾一年逢盡日宛然三歲記恆河
空翻書籍遺忘大欲祭詩篇散失多
甲子便教同絳縣十番寒燠老如何

陳澤泰字茹征號雲村上海人諸生有春柳草堂詩集

黃金臺

買馬買駿骨未必獲千里求賢築高臺
未必得賢士從來幹濟才黃金所不齒
丹鳳翔九霄德輝覽而止禮賢失其

方何能救傾否易水寒蕭蕭歌聲雜流徵酌酒餞荆卿荆卿但能死

羅從繩字愈振南昌人有癭樵詩鈔

過逸龍菴採椿葉

夕照斂春山眾鳥哢春暮散襟步清溪幽思將誰訴溪曲出鐘聲行到鳴鐘處鐘靜佛無言清香在高樹攀條采其榮氤氲滿歸路此日良已足春風任來去

溪游

孟冬刈稻了原野尙幽清偶然成獨往遂愜山水情行行不覺遠隱隱聞溪聲石髮拖秀蒨潭影涵空明爰憩石磴上於以濯塵纓逝水去不返歲暮將何成

文元星字衡夫江都人有種瑤草堂詩鈔

康山

霜徑開澄宇高風仰昔賢猶存一抔土無復四條絃檻倚
城邊水窗開原上煙哀哉誰救汝天設此林泉

役役

役役復役役風吹衣上塵人煙茅舍午柳色野塘春飢渴
思雲水遲疑歷莽榛何曾驢子背駝得盡閒身

張尙綱字琴川丹徒人諸生有思勉齋詩鈔

初冬多景樓寓目

小陽天氣佳林表如散綺躡蹻恣野游落葉萬山紫言尋
最佳境北固引屐齒振衣上層巔一步一迤邐徑轉登危
樓江光生眼底遐矚渺無邊金焦成鼎峙奔奔海門潮突
兀瓜步壘回眸忽異境龍埂接城雉萬井生炊煙人語微

茫裏茲樓俯峻嶒千載思蘇米凭欄逸興豪感慨于焉起
三國枉雄圖六朝餘故址霸業委榛翳一一皆可指萬古
無端倪獨有寒江水

過子陵釣臺

空臺寂寞對斜陽誰會山高與水長在昔不知天子貴而
今但覺世人忙無名江樹層層綠帶笑山花細細香千古
高風留勝蹟估櫓猶自避寒芒

楊試昕字允成丹徒人諸生有海嶽山房詩鈔

送吳丈澹川

爲別亦何遽殘秋細雨天那能十日住已見一帆懸落葉
滿前渡歸禽下晚煙看君負奇氣杖策入幽燕

獨坐眾綠軒

空院寂無聲斜日澹檐宇風細落桐花葉上如聞雨

白蓮花歌

風清月墮花無力粉白羅衣澹空碧冰碾肌膚雪化魂夜深卻向西風泣不共芙蓉種若邪不施顏色逞驕奢欲將羅襪淩波去悵望伊人隔水涯水涯香度微風起和煙散入湘簾底仙子含愁夢不成無言獨立寒雲裏

楊試德字允新丹徒人諸生有古雪閣詩鈔

集清素堂懷王柳村

孤雲何事戀荒村此日徒空北海樽江上梅花懷故國天涯芳草怨王孫三春風雨他鄉晚一代文章處士尊想見翠屏新漲綠釣船沽酒繫柴門

秋來曲

秋風入簾人不覺
苔階夜靜梧桐落
月明欲素清影來
照見空牀繡衾薄
碧天無聲河漢涼
蟲吟寂寂秋花香
卧聽鄰家弄絃索
憶君千里斷人腸

馬光裘字少波奉賢人諸生有長笛書樓集

九日登明行寺後樓

黃葉珠宮閉斜陽
寶閣開天形遠林
盡山色大荒來穉
榼千村穫絲絃一
院栽此間容笑口
應醉菊花杯

枝園晚憩遣懷

停杯向晚入西廬
十笏煙巒靜者居
古樹呼風如引雀
方池沈月不驚魚
市塵欲隔千家外
花事全消五月初
覓食自憐衰鬢客
故山松菊計仍虛

張學仁字治虞號寄槎丹徒人有青苔館詩鈔

自然菴月夜看梅

滿地月如水一庭花似雲光從今夜滿春向隔年分山影
靜相對江流定不聞半宵風露足禪榻散餘芬

宿焦山自然菴和雪廬韻

橫笛高吹大海秋與君同上海西樓長江萬里東流水不
及尊前一夜愁

登華頂峯望海

天台四萬八千丈千山萬山盡相向青蓮一朵海上開重
重花萼扶蓮臺華峯獨在中峯頂莽莽雲煙鋪萬頃攝衣
拄杖登崇巒懸崖孤立心生警天風吹琅琅海色搖青蒼
羣山齊拱揖一氣連混茫天雞三唱天欲曉羲和鞭日升
扶桑朱霞璀璨動百怪珊瑚火齊交生光方壺員嶠望不

到碧水蕩漾羣龍翔山僧爲言十月朔日月雙輪海中躍
忽高忽下弄兩丸倒走天吳驚海若身無六翮搏滄溟西
標赤城東金庭仰天大笑海雲起峯頭卧看青山青日暮
蒙蒙散煙霧桐柏之宮在何處不如裹足下山去前溪恐
與劉郎遇

顧仙根字藕怡一字金香興化人有藕怡詩鈔

詩話藕怡詩專攻五言嘗謂今人動輒作七律不知
此體唐人惟子美獨步浩然太白尙非其長古人所
難而今人易之以致詩學日就卑靡
雖持論稍偏亦足以正流俗之弊

游宏濟寺

下山履平陸山轉寺門靜屋上石勢險屋裏人心正佛鐙
常不滅僧容不離病前山與後山登樓江光映何必入深
山山深得真性

郡館作

我行復至郡舍館臨官市市言雖雜亂亦復有至理諍詞
何紛紛半是村農子懦拙易成忿忿息訟方始云從去歲
來日日向城裏良田半已典豈不思秉耒今春多夜雨農
事家家起未得見長官胥吏來無已

冬菊和唐竹虛韻

映月非秋影晚香直至今人情仍舊向籬落故相親入目
似餘倣此君無是心摧殘霜又雪根底得春深

秋柳和雲澗韻

青春澤亦久弱質豈堪任頓覺形俱減何曾秋已深影搖
既竭力絲繫不枯心誰惜芳時葉紛飛散滿林

水樂洞

入洞畏仰視峭石高於頭暗步躡滑徑晴晝忽夜幽石空
泉愈響澎湃水四流我友發狂興大笑聲不休手掬一勺
水爲我澄雙眸洞外方畏暑洞內疑清秋垣傾亂草荒披
拂登層邱石上更有池天巧非人鑿賈氏曾構園盛事遺
靈羞造化本無心安用區薰猶我自出奇幻人自恣冥搜

南屏

摩天石爲屏結構因欽寄綠樹各爭長山高樹亦隨入門
不數武積陰涼階墀緣徑登愈高俯樓眺且危蒼苔隱古
蹟涑水留遺姿空際驚鳳翔手摩心儀之丹崖不可見琴
臺猶有基湖光忽掩映天風吹紛披尋幽貴奧竅固不厭
險巇牽衣陟絕頂最下那敢窺少立喘稍息揮汗神未夷
澗底見茅屋四面流清漪林深日易昏安得久留茲一步

形勝表言圖卷一百一十一
一回顧暮靄滋漫瀾終日一園閉萬壑千巖奇

晚步偶然作

既飽忽自得不覺心神舒舉目皆可愛舉步皆自如何以
一日內或戚又或愉戚時怒所觸愉時喜有餘愉戚本無
端在我不可誣何況我與人安得不相殊但於此理得人
我無齟齬出門有大道新月盈通衢與人共往來忘我爲
羈孤

徐堅字孝先號友竹吳縣人貢生有親園詩鈔

詩話友竹工隸書篆刻畫宗麓臺初客畢弁山幕後
依陸朗夫於楚南朗夫清節客歎無魚友竹數年不
去終護其喪歸時人高之所居
在光福梅花深處詩畫皆清逸

登六浮閣

向晚巒氣清浮陰散虛閣忘言坐永日冲襟入寥廓竹深

新粉香林靜殘花落隔塢踏歌來歸逢人采藥

詠柳

有客攀條感舊游依然風景畫橋頭青帘沽酒煙中市銀
甲調箏水上樓不是別離常帶恨縱非風雨也關愁那堪
玉露凋傷後落葉哀蟬咽暮秋

王麟生字孔翔號香圃婺源人貢生有補梅書屋詩草

法梧門曰香圃明經爲葑亭太僕仲子工近體尤工
七言嘗問字於余余家居距宣武門外十里許香圃嘗
冒雨雪策蹇至宿余家竟夕
吟詠不輟蓋嗜學其天性也

二月初五夜雪

空階三寸雪小閣一枝鐙夜色靜如此春風來未曾榻虛
衾似水杯淺酒成冰歸夢向何處江樓最上層

李學孝字南皋宣城人諸生有紉香草堂詩鈔

跋宛陵集

嗟哉陶韋人不作大年衲被紛拏攫但得音從肺腑流東
野窮愁復不惡我觀梅宛陵寄興何古泊落墨遙遙天地
間風人情性吾其託冰雪文章避俗攜太羹元酒供斟酌
疎星澹月江風微癯然獨立瑤臺鶴

采石磯夜泊

鐵索沈江事不還千年戰壘掩松關濤聲嗚咽建康水嵐
氣往來姑熟山春草有情煙漠漠野鷗無主意閒閒謫仙
咫尺高樓在且可當杯碧霧間

登太白樓望江

百尺磯頭策杖尋八窗空洞俯高深蒼茫秋色來天地浩
蕩江流自古今戰壘荒荒煙草合仙靈杳杳日華沈仲宣

漫發登樓慨極目帆檣萬里心

聞川楚捷音喜而有作

干戈幾十載烽火夾川湖報捷初驚喜傳聞定有無民心
思井里天意厭征誅汗馬勞諸將還應念廟謨

漢水奔流急巴山夜雨寒投戈思扼險拔劍喜登壇壯士
論功易飢黎轉餉難中原消息近莫便卸征鞍

呈凌次仲學博

十年蹤跡滯儒官高座攤經晝掩關陶鑄典謨來腕底馳
驅名字滿人間探珠夜界金繩路傳草春歸玉筍班地近
南樓聊寄傲相看不厭敬亭山

清言差許故人過落落平生柰懶何我愧劉棻今老大君
如鄒浩本嗟峨愁來風木支離甚病後文章感慨多容得

顏唐參末座未妨常日過陽坡

李景董字學醇嘉定人諸生有桂巖居詩藁

雨中春望

杜鵑聲裏雨綿綿釀出銷魂寒食天
獨上小樓褰翠箔一溪花柳溼春煙

吳讓恆字立言涇縣人諸生有消憂草

書座右

百年曾幾時君子早勤勸盜蹠以壽終
顏冉獨窘促死生
命自天何用惡與欲所期德不朽立志拔塵俗松柏自常
青叢棘一朝綠人惡不必揚我善恐不足朝聞而夕死矣
世分榮辱

過桃葉渡

斷蔓荒煙氣寂寥渡頭人去靜蘭橈多情一夜江南雨猶
漲秦淮數尺潮

陳本直字畏三號古愚元和人貢生有覆瓿詩草

江行雨霽

橫江霧散一舟輕倚櫂中流雨乍晴島嶼有時全在目峯
巒多半不知名荒洲蘆荻秋煙晚野岸村墟夕照明愧逐
風波空碌碌何年散髮遂平生

大風雨渡金鏡湖暮抵橫塘雨止

祇因重負登臨約冒雨來過金鏡湖浪合亂流雙槳急風
迴斷岸一帆孤羣山入暮青深淺遠樹含煙綠有無世路
險夷眞轉胸橫塘塘上且提壺

邱璋字禮南一字二如吳江人諸生有諸華香處詩集

詩話體南伏處里間名不甚著而篇
帙極富其詩辨香歸愚亦能具體

登中立閣看菜花

寒不可襦饑不粟多事雨珠更雨玉天公欲救萬戶貧徧
地黃金散千斛去年亢旱田禾焦阿香焚車炎帝酷女媧
鍊石漏暗補元冥醉眠頭緊縮傾盆勢猛銀竹下土膏近
喜春花熟村南老翁拍手笑轉凶爲豐此其卜先生不知
農與圃但博奇觀享清福坳堂杯水眼界窄飛樓百尺煙
中豔東風扶我雲梯層遠光渾碧邇延綠水天一氣分上
下中央正色相連屬天然絢爛寓平澹萬千紅紫那敢角
晴窗四拓百里內點染丹青看橫幅恍疑身入鄧尉山漫
天香雪堆林麓不然雲海浩浩乎無垠天都峯頂開雙目

樹根筆架歌

修篁老去孤桐死良材無用皆如此知音不遇蔡中郎舉
世盡庸夫俗子有木有木南山南蒼皮溜雨黛色參一朝
蟲鳥肆穿剝枯枝倒地如眠蠶苔埋園壓荒江畔夜夜熒
光燭天半山精有知木魅靈孤根肯作勞薪爨三拜先生
性好奇琢成筆架形支離但恐騷人有筆不得閑人間傳
看松化鱗之而人言奇物須珍惜節以珊瑚裝琥珀不然
長伴一寒氈平仲何勞賢越石我笑人言兒童鄰得一知
己山林廊廟原無分譬牛必衣之文繡何如長林豐草全
其真

黃文暘字秋平甘泉人貢生有埽垢山房集

詩話秋平館闕里授衍聖公經編觀公府禮器法物
所爲詩綽有風調絕句尤佳妻號淨因亦工詩畫子
金號小秋詩能繼美懷嶺曲云春草碧如玉郎行車
轆轤根妾不如草隨郎馬前緣又渡桐江云天水渾

相稱中有青山
影皆不減古人

甲子秋客金陵喜晤王柳村

君居江上村我家竹西住花外有高樓望見江上樹指點
翠屏洲約略雲深處伊人隔蒹葭秋江寄慨慕西風白下
門形影兩相赴寥寥天地間忽忽感此遇久要指江水斜
陽共歸路

自金陵返武林寓室同淨因夜語

別來清課各閒閒讀罷新詩又閉關紅燭一枝雙白髮客
窗細話六朝山

李御字琴夫號蘿村丹徒人諸生有八松菴十三吟草

詩話乾隆中承平久而淮鹽利饒行主其事者多慕
風雅士能詩工書畫者往歸之遂成風氣蘿村晚號
小花山人頗自負其詩嘗乞吳穀人選定手書勒石
詩藁子目凡十三合爲一集鈔本流傳其鄉人頗推

重也

秋日題古寺

耿耿諸天界秋林景更清白雲流磬響黃葉滿棋聲破衲
晚仍補幽禽時一鳴坐深渾不覺三徑翠煙平

曹士俊字用山號逸亭常熟人諸生

曉行天門山

地絕天門聳山盤澗戶開石銜殘月落樹擁曉雲回振策
穿飛瀑看碑拭古苔崔嵬傷陟彼誰與酌金壘

朱穎字嘉德號雲浦吳縣人有秋蟬吟草

詩話雲浦自言少時多病及壯奔走四方存詩無幾
歲及五旬息影杜門胸有憾觸卽紀以詩年六十有
四取舊作刪存千餘首閒適者十居二三感憤者十
居五六往往自蹈陳因習焉不察蓋可刪之作尙多
也

夜坐

一雨乍收暑虛堂坐晚涼螢光穿竹徑花氣撲藤牀賣老
拋書課扶衰藉藥囊平生愛秋夜不惜數更長

月下

古今同是月代謝幾人看此夕一樽酒百年聊自歡瀟湘
秋入夢關塞夜生寒慷慨還悲感更殘獨倚闌

秋日歸里口號

蟹紫菱青北雁飛勞肩甫息去征衣褰帷病婦看悲喜扶
杖慈親詢瘦肥本有一瓢曲肱好并無五斗折腰非從今
若許逃羈繼秋水柴門傍釣磯

橫塘道中

胙艫橫塘破曉煙薄寒風物愛翛然數峯青出疎林外一

剝紅遮斷岸邊茅舍互歌打稻侶湖橋撾鼓賣魚船從今
不獨耽邱壑更擬村居度晚年

貧居自勵

秋空野鶴任翱翔不復朱門戀稻粱記得渭南詩句好書
生餓死亦尋常

徐子威字雲樵號野泉常州人諸生有海右集雲樵詩
鈔

秋霽游北園懷唐小浦

八月天氣佳野色淡復濃散步秋雨後石泉聲淙淙悠然
望遠道隔林起夕鐘涼風送歸雁草際咽鳴蛩溼煙流村
落斜陽遠近春蒼蒼水雲外秀絕兩三峯晚眺思公子沿
隄采芙蓉

秋夕泊舟匯泉寺有懷

雲水夕漫漫蒼煙沈石壇僧歸孤棹晚月下一鐘寒舊雨
隔千里秋琴成獨彈重來泊蕭寺落葉滿湖干

秋杪同張春江汪菊墅兩太史李石泉司馬張漁村
孝廉登岱遇雨

飛來峯上倒清樽回首蒼茫海色昏萬壑杉松喧日觀九
秋風雨撼天門秦王玉牒何人見杜老雄詞我輩論千里
倏然開夕照三山東望紫雲屯

訪趙小滄

湖千秋雨歇湖上秋山碧爲訪素心人苔痕染雙屐

湯潤泰字虞樽青浦人有金源紀事詩

柳林議

趙家人士紛來燕中有一人瘦而髯目光閃閃夜欲燃其
心有如上負千尋之絕壁下臨不測之深淵焉得使之竟
南旋一枝玉檜盤鬱遮遙天遮遙天協臣鄰集羣議姦細
臻陰鷲實過張孝純三年粘罕心檜心知忍負宋不負金
噫嘻乎南自南北自北萬里人非蘇屬國柳林議比長蛇
毒明月秦城日車覆五國城中歸朽木

青紗障

鶯聲嚦嚦青紗障障外聽來劇清亮問字宮中總隔紗模
糊未識天人相君王訪豔自尋聲百尺妝臺無限情自說
二人土上坐漸看一月日邊明君不見衛少兒趙飛燕漢
家立后多微賤何妨監戶正中宮豈慮諫臣伏前殿畫眉
御墨擅風流一笑當前玳瑁頭鳳皇符瑞飛向裏加官進

祿樂優游

朱逢泰字柳塘吳江人

久雨喜晴

梅雨初晴早夏涼
溼雲吹散漏微陽
蛛穿檐角低懸網
鳥語林間巧弄簧
溪岸紆迴新漲水
野田蔥鬱乍分秧
曉除階草陳棋局
儻有閒人過竹堂

曉泛太湖望洞庭兩山

山水吾夙契
況當春曉時
帆移萬頃中
放浪吟新詩
一鉤殘月墮
天半涼風吹
渺渺漁歌起
隱隱沙鷗飛
參差兩洞庭
雲水相依微
遙看嵐岫淡
一抹如修眉
欲登意未遂
拄笏成遐思
俄焉山色朗
晴霞開朝暉
雞聲聞遠浦
扣舷任所之

張廷珩字西潭上元人諸生有紹銘堂讀史雜詠

韓信

一說不從有武涉再說不從有蒯徹漢王始終遇我厚此
語鬼神應泣血前年奪軍在成皋今年奪軍在定陶主上
猜嫌亦已甚怡然就國無牢騷豈知兔死烹功狗假王眞
王總不久掀天事業振中原到頭不脫兒女手越分布兮
同見夷滅楚纔過十載期依然成敗兩俱盡愧使重瞳地
下知

曾廷枚字升三一字修吉號香墅南城人諸生有辦香

山房詩集

述山居雜事

僻處本非癖吾廬傍釣磯鳥隨落葉下人帶夕陽歸棟樹

花將發麻江水亦肥老農來過從攜酒款柴扉
離索亦云久山居乃爾幽疎鐘出古寺淡月上層樓松響
晴疑雨峯高夏似秋眼前多韻事茅舍且淹留

度牛輓嶺

荀輿過浮梁步上牛輓嶺壁立緣綫升有足不敢逞猿挂
憑藤蘿蝸旋疑陷奔磴危身欲墮逕仄路弗整回顧勢更
難趾壓後來頂半途無退悔踰嵯氣悉屏峯尖得招提山
僧進以茗藉此稍憩息斷齟蔽光景蜿蜒作數曲五丁擘
奇境行行復下山赴壑蛇猶猛小人蹈險巇君子習安靜
永懷垂堂言一詩聊自警

銀槎爲賓谷賦

古藤書屋開瓊筵銀槎酌客如酒船睽暘寒侵肌骨焉老

樹杈枒色並妍宛若放舸滄溟邊有客凌風勢欲眠手持
一石支機然高踞兩膝美且懸我識此老爲張翥借問泛
海何時還薛癭苔梗斑娟娟摩挲入手驚羣賢凡工俗匠
安能傳細辨識款字畫全小篆至正乙酉年朱華玉造誠
精專四百餘歲貞而堅斷句廿八字便嬛虞揭已逝施宋
捐函以文檀妙句鐫主客良足供詩篇誰如長鯨吸百川
世代茫茫桑海遷歷劫不壞何因緣浮槎須臾到我前我
撫此槎思栢棧

晚晴移詩匯卷一百十一終

晚晴移詩匯卷一百十二目錄

蔣浩

五首

凌揚藻

十五首

張晉

三首

鄭琮

七首

李大儒

四首

周璠

一首

姜星源

二首

王榮華

二首

張頰

一首

王偁

五首

朱晚

一首

孔廣根

一首

錢九韶

一首

張又華

一首

孟淦

五首

馮廷工

二首

吳簡默

二首

文國幹

一首

吳承禧

二首

吳承福

一首

林鎬

二首

黃愷鏞

二首

黃凱鈞

二首

徐世綱

二首

沈大成

一首

李三才

一首

李四維

一首

沈棣

二首

路斯京

一首

童鳳詔

二首

葉以照

三首

孫姓

一首

劉振智

二首

傅均

二首

傅培

一首

傅廷

二首

岳東瞻

一首

李蟠

一首

張廷蘭

二首

陳翼

一首

黃湘南

五首

曾衍先

一首

羅修茲

一首

張祈倬

二首

李馥

一首

陳廷紳

一首

張懷溥 一首

晚晴移詩匯卷一百十二

徐世昌

蔣浩字充之號華隱嘉興人諸生有思無邪齋詩鈔

夜思

醉起惜涼月散髮臨清風
虛籟息深竹明河在高桐
夜靜轉清曠秋意南飛鴻
美人隔千里幽夢託芙蓉

尋粹上人不值

溪館落葉深亭林人跡少
坐來清磬歇虛窗鬱幽抱
獨語下閒階夕陽淡秋草

漁父

雪後初歸塞北鴻荻芽抽碧
軟東風收罷釣絲渡湖去一
枝柔艣月明中

夜泊楓橋望寒山寺

夜火疏鐘伴寂寥十年舊夢泊楓橋清狂不見王司理來

問寒山寺外潮

夜雨泊秦溪虎嘯橋

虎嘯山橋夜魚鳴海角更亂雲千障合孤艇一燈明蘭草

還思楚桃花莫問羸卧聽篷底雨人語暗潮生

凌揚藻字譽釗號藥洲番禺人諸生有藥洲詩略

張南山曰藥洲精心汲古殫見洽聞所著詩文外有
蠡勺編四十卷詩有性靈而少才力又曰陳獨漉詠
留侯詩夜半橋邊呼孺子人間猶有未燒書可見書
燒不盡藥洲博雅推樂府一推奮擊副車折噫嘻尙
有人間鐵可見鐵銷

不盡二詩可並傳

詩話藥洲少受知於朱文正及姚文僖視粵學以疏
裕異同考擬趙充國頌試士藥洲特被賞擢閩修希
古年至八十餘韓國朝嶺海詩鈔二十
四卷發潛闡幽有功夫文獻詩有風格

望靈峯山

縹緲西來通鬱水，嵯峨南峙矗靈洲。
人疑拔地浮孤峭，天使憑空截眾流。
寺影暗橫紅葉晚，鐘聲寒帶白雲秋。
重來尙喜前因在，佛火漁燈憶舊游。

曉起山橋蹋月

野柝靜山坳，荒雞曙林樾。
幽人起平旦，興動不可輟。
竹杪驚寒光，開門見殘月。
萬象洩元祕，煙嵐鬱奇譎。
陂塘浴鳬鷺，漱澣一頃雪。
久立不逢人，朝暾射巖穴。

讀西庵集和憶白雲山房

住山不知好，出山復思山。
乃知山中心，事仍未閒。
別時舊猿鶴，馴擾庭戶間。
青苔沒白石，應笑人未還。
誓將脫羈絆，復掩長松關。
故我殊依然，勿驚塵俗顏。

九日張緝軒先生招集獅子嶺登高

秋來連日報烽煙楓老蘭凋劇可憐對客強酣桑落酒懷
人新瘦菊花天飄零節物催時序感激心情入壯年莫色
滿空平楚闊幾時金甲罷防邊

岳陽樓聞笛次林迪園韻

嗚咽巴陵月秋心到女蘿響飛雲夢渚吹起洞庭波哀怨
生蘭杜幽香冷菱荷英皇廟前竹清淚較誰多
煙斂木微脫聲知天地秋月華當水淨霜氣逐雲流楚澤
元多怨騷人最善愁那堪聞入破棖觸動離憂

我本羅浮客能諳鐵遂音魚龍蟠巨壑鸞鳳在高岑冷落
三湘夜迢迢五嶺心時無馬新息誰和武谿深

寓西禪寺答易勉之明經兼簡胡上村詞丈

睡餘支枕怯茶甌石鼎香濃古寺幽學道有心憐馬齒封
侯無夢到羊頭豆棚聽雨同銷夏橘徑籠煙早及秋想像
餘霞天際好青山環繞謝公樓

秋蛩

爾亦率真性無端事苦吟最清惟夜氣難盡是秋心漏靜
悲逾切燈昏響欲沈可憐誰與語斜月半牆陰

制府朱石君尙書命賦羅浮蝴蝶歌

朱明窟宅多神仙風雨匝路相鉤連丹雞白犬盡輕舉羽
衣化蝶何翩躚玉腰旖旎結束好栩栩傑出神飄然人間
撻末那足比世外格韻殊娟娟文章炳蔚日五色古澤不
假丹與鉛雲峯巖前眾香國玉芝瑤草紛澄鮮山光曉滉
鮑女館酒氣夜暝麻姑田浮花浪藥不挂眼慣逐沆瀣凌

飛煙餐幽獵秀願亦足況濯露點明珠圓碧桃樹底芳信
早頗笑結習終難捐纍纍玉繭作春蛹似涉綺夢非塵緣
精心一縷自經緯機緘默運眞明蠲滕王搗本浪規仿無
逸詩筆矜流傳胚胎無靈品麤俗裁紅暈碧空雕鏤何如
此得造化蘊仙風逸豔通幽玄我欲喚起葛稚川遨游八
極窮天淵歸來弭節傍華首笑狎鳳子聽流泉

入西樵白雲洞觀靈鼈石

鬼斧鑿混沌縣崖洩奔放詰曲流汀滢迤邐出蕩漾石破
雪珠跳咫尺倏異狀嵯峨立巨鼈黥黥兀相向饗疑恣鯨
吞渴欲倒龍藏起作鱗之而旬旬激悲壯砥柱力斯勁噴
沫氣愈暢我生本集靜覩此覺神王擬窮瀑水源前山發
樵唱

登華蓋峯憩環綺亭望廣朗坪飛瀑

西樵之泉三十二勝事在昔披圖經白雲流水起胸臆往
往掩卷心迴縈名山咫尺今始見冷翠亂撲環綺亭巖巒
屏顏木芙蓉石氣丹碧苔花青空山無人白日靜長虹飲
澗喧新晴磊磊落落雪有聲敲瓊濺玉森瓏璫天公怒烈
散飛雹砭崖裂石轟雷霆豁舒大谷互響答一落千丈蛟
龍驚翛然獨立竦毛髮沆瀣入骨風稜稜金匱刮目倏開
豁芥蒂一洗塵慮清神融意愜恣幽賞愧無好句酬山靈
匡廬五老久招手何時更約山翁聽行當效彼廣長舌萬
斛屈注吟清冷

木棉花歌

炎微燒春火雲起長虹下飲赤岸水偉哉十丈珊瑚華蒸

天烈地森杈枒蠻煙蜚雨斃不得巍然正色敷滂葩曄兮
紅韎鞬挂在崋陽枝屋烏偶相映綵繖紛離離崑岡燒後
紅玉熱頰龍戰罷金鱗飛託身不越句漏土要向赤日輪
精微我來樹下三歎息親覩東君好顏色祝融之宅南離
宮永教壯此文明國

橫溪訪招香浦不值晚遇石門舟中有作
波起木微脫秋生湖上山蹉跎雙鬢老去住一身閒短屐
蘭皋外扁舟鳬渚問憑誰賦招隱日暮權歌還

謁夷齊廟效易渭遠先生作

節以同懷著忠絲易代伸地經孤竹國祠仰采薇人但識
彝倫敘那知革命新餓夫無與偶天子不能臣歎息黃虞
沒衰徂志行屯正冠皆激義脫屣爲求仁詣絕操疑隘風

高氣益振西山無表石東海幾揚塵百世師如在三宗歷
久湮頑廉徵後起秩祀率先民像蝕型模古誠通警咳親
閔青簷蔭柏湘綠俎羞蘋希聖談甯易含貞事孔辛永言
思大老莫漫愧明神

張晉字雋三陽城人諸生有豔雪堂詩集

詩話雋三才氣縱橫詩境與道山爲近尤長七古如
運廣長舌說法天花亂墜此何嶽英靈也足跡半天
下落拓以死湘潭周石芳學使云當與西涯爭席同
里延荔蒲則稱其歌行似遺山贈詩云文章衣鉢原
非謬應莫遺
山酒一杯

後羣馬行

馬人收馬無多寡直視羣馬如一馬不施鞍轡不絡頭縱
亦能縱收能收五色迷離亂日影猛氣雄姿思一逞亂山
雜沓寒雲重馬借雲勢如游龍前馬驕嘶後馬應有如才

斗嚴軍令黃金臺。顏駿骨枯風塵滿眼皆庸奴。回首關門
幾千里。手持剪刀翦髮尾。秋風顧盼卻自憐。未識馳驅爲
誰死。

平度道中曉行卽事

鞭絲帽影逐風斜。驚起平林陣陣鴉。冷月與冰同一色。客
心如路盡三叉。鈴喧穩和閨中夢。霜灑寒添頰上花。初日
未升星乍落。海天紅綻幾層霞。

贈范梅塢

吾鄉詩人略可數。我之畏友延荔浦。金門禮垣我比肩。獨
恨未見范梅塢。二十年前耳君名。論詩與我頗齟齬。君才
時時吐珠玉。我筆往往雜龍虎。君曾笑我太縱橫。我亦嗤
君不軒舉。繼聞君頗務廣博。談天談兵兼訓詁。邇來忽復

尋舊徑詩債未完急須補
恰逢賤子正倦游欲往從君道
里阻松溪李生亦可人約我邀君
締綰紵集真古觀界中
途如捧敦盤會齊楚入門握手訝
疏狂坐久深談覺媚嫵
新交肝膽既相投舊意參差不足
語我生舌本愛翻瀾每
到妙處君起舞灑落真能辟萬夫
飛揚直欲空千古際天
明月照屋梁僵柱僮奴舛廊廡登
牀倚枕不成眠多少深
情盡傾吐初日驚屯東嶺雲曉風
忽送前峯雨蹇驢已秣
僕執鞭君尙持杯我揮麈丁甯索
我贈長句口雖未應心
已許我生以詩作性命此事頗能
道甘苦讀書萬卷盡糟
粕驅策羣言仗靈府莫學蜉蝣誇
衣裳要看大將建旗鼓
王孟韓蘇俱我師乃所願學白與
甫平時苟不抱奇氣下
筆空嗟轡肺腑藝不兩精豈我欺
千秋事業力宜努我詩

不飲工獻媚以此質君或有取荔浦頻年困手板金門久
已埋黃土閒居還往獨禮垣冷落詩壇寡儔侶知君將作
析城游掃徑先爲開別墅不獨名山盡待君我亦願爲東
道主

鄭琮字亮卿龍溪人諸生有樗雲詩鈔

夏日游雲洞紀勝

荒幻仙人迹滄桑不記年霞窩藏古篆月峽束寒泉踞壑
松根老盤空鳥道偏坐聽山簾發清響近龍天
我愛鶴峯叟談經薜荔陰礪花迎杖鳥山鳥助歌吟一自
高賢逝空教歲月深淙淙流水意能不悵人琴
冷落燒丹鼎龍蟠第幾層五更奔海日六月凍崖冰先哲
多留詠深山自得朋捫蘿題姓字吾亦記吾曾

寄施大恥莊

海內多相識風流獨有君
三年倚嚴武一瘦似休文
傲骨軒秋鶴高歌破暮雲
何時重把臂醉後看書裙

驛坂懷古

古驛當年曾駐蹕空山幾樹但棲鴉
風波有恨沈黃屋木石偏能衛翠華
一日邀天猶是宋三忠報國已無家
停車欲覓殘碑讀翁仲含悽落照斜

春晚雜興

彈鋏侯門苦未能乾坤何處倚枯藤
倦圖小息懷蒙叟僻地幽棲愧少陵
牆短綠分鄰舍樹簾疏紅落隔山鐙
柳枝吟斷空惆悵無復當時唱阿菱

斫地狂歌事已非獨留一劍對斜暉
素書有劫龍威去綠

字無仙脈望稀閱世幾凋潘岳鬢傷春易減沈郎圍薄寒
中酒惟高枕疏懶真同鶴不飛

李大儒字魯一建甯人有愚菴詩集

王西堂曰李子之詩所言者不越乎花草風雪山水
之間而志見焉而道存焉適成其爲今日之好詩而
已矣李子曰不舉火歌聲出金石蓋自寫其童冠簞
瓢之樂而旁溢爲馬蹏秋水之趣詩而如此予敢厭
耶

詩話愚菴童時爲詩出語驚人既壯博覽羣籍通莊
列老釋家言而折衷於儒者之旨嘗讀書萬峯脩然
遺世故詩境清妙
由中有所養也

魯絜非用家淡軒韻見寄卽次原韻和答

迫阨厭時俗高舉尋吾契躡風旣靡因非質終踟地野馬
與塵埃生物息相吹孰能握機緘眾萬並呈媚我昔志大
道汗漫苦無飲市中值安期策我毋怠棄聞風信匪遐機

轡自難至束縕貽寸光八窗朗幽闕

大美呈新機副墨守陳策日車無不照鑿智瞽空隙金注
巧遂殢帶忘要始適至人揖元極妙物行絕跡六合藐芥
塵千秋倫旦夕啄鳴合縉緝泰初以爲宅

讀書萬峯菴幼弟簡齋以詩見寄次韻和答

蓮峯飛鳥上引手接明霞簷淺雲常宿松深日易斜山僧
惟習靜野鹿解銜花吾亦忘機客埋名誰復誇

贈蘇山人

遶屋杉松盡合圍晝眠常自掩荆扉仍嫌葛老鈔方少卻
笑桐君識藥稀乳管靜探雲溼屨垂珠自採雪侵衣年來
不入長安市免得傍人問是非

周璠字海村天津人有海村詩草

春日衛源道中

日暝中原寒氣消平川遠水似通潮營巢野鳥成新壘芟
草春農護嫩苗山色破雲林外見花香帶露馬前飄一杯
濁酒荒村裏回首關山千里遙

姜星源字璿海大名人監生有臨雲亭詩鈔

游草堂謁少陵石刻像

昔登東魯郭今上錦官城地各千秋勝祠經歷劫更居然
大厦庇仍舊草堂名同是風塵客來游百感生

時有饋鷓鴣者畜之不飛不鳴慨然賦之

黃陵廟青草湖回頭往境都模糊一握粟一勺水得食階
除竟如此鉤輅與格磔哥哥行不得奈何一朝入樊籠三
臠爾口同反舌請對以臆來我旁摧翎鍛翮難翺翔能言

久已謝鸚鵡文采遮莫輪鴛鴦幸遠庖廚避鼎俎敢說爰
居畏鐘鼓一飲一啄亦偶然寄身籬下甯自主得過且過
無庸呼羽毛重整春風蘇翩然高舉奮南圖君不見知己
當逢鄭鴈鵠

王榮華字達亭定州人有退室詩

春初雪寒獨處斗室

斗室棲遲別覺寬日消楮墨度春寒迂愚應與浮名淡蹇
劣焉知世路難一物無求常自得百年有限但相安居心
願學衛公子事事胥教說苟完

種花

種花心與愛花殊日掩重門一事無隨意栽培隨意長何
須檢點費工夫

張頴字陸庭號仲亭景州人貢生有寒竿山房詩

抵洛陽呈家兄

十八年前地重來路尙迷時經春社後人在漢陵西道路
悲萍梗風塵誤馬蹏鄉思正蕭索何處又鵲唳

王侗字曉堂大名人諸生有蓮舫詩鈔

夜過庾園用張錦堂刺史韻

客來名勝地花草謝春香落拓風凋木荒寒菊傲霜夜燐
生屐齒秋雨蝕詩坊獨有舊時月依然過石廊

雨後

落日池亭好晴光漾菱荷風移花影碎林密鳥聲多鳴竹
補雲罅山泉瀉石科南窗堪寄傲莫問世如何

鐔津晚眺懷舊

萬里風濤暮顰江一棹舟雲行吳沼雨客夢沁園秋江月
吟詩夜山城謫吏樓巖花春自好對酌憶詩流

登河陽城樓

百尺臺隍枕縷隄人家半郭爨煙低山光雨後青拖出麥
草春深綠翦齊令尹花開攤稅後將軍樹老淝梁西關河
不是殘唐路猶剩車聲作鼓鼙

殘陽

空庭晻曖欲沈西冷到松梢看鶴棲山影忽驚壓樓閣村
林遙映落虹霓已無多色明鴉背大有開心送馬蹏讀罷
憑闌一長嘯秋陰滿地草萋萋

朱晚原名甯字叔人號虛谷歷城人諸生有紅蕉館詩

鈔

潭西精舍懷桂未谷先生

小橋臨水橫拄杖過橋行樹密連雲影泉多作雨聲快談
今已往濁酒昔同傾舊侶都星散空留壁上名

孔廣根字心仲號小莊曲阜人六品執事官有秋蓼山
房詩存

蟲聲

樹杪秋聲已不禁那堪四壁動商音咽殘怨綠愁紅地冷
入勞人思婦心豆葉翻風籬落晚苔花蝕雨寺門深一樽
自引舒清嘯助爾長吟更短吟

錢九韶字太和號南淳密縣人貢生

龍潭道中

十里龍潭寺崎嶇路不平依林聽鳥嘯隔水看雲生巖屋

門相對山橋板自橫煙霞隨杖履疑在畫中行

張又華字燦如高平人諸生有雙溪詩集

題盧忠烈七夕歌真蹟後

宜興司馬坐憂國七夕歌成涕橫臆一腔忠義欲誰語搔
首青天呼不得舉朝依違楊嗣昌惟公慷慨赴戎行樞府
何曾識君父邊臣能不死封疆薄暮出宮廷對罷嚴飭孤
軍列城下鐵騎洶湧捲地來蜂鬪狼爭日繼夜是時西兵
殊死戰膽大通身一敵萬同心獨有楊參軍高監擁兵若
旁觀參軍乞救向前塗司馬振旆奮一呼挺身疾鬪騎皆
奮手格數人筋力枯男兒竟作沙場死俯首安能對薄書
將軍已死全軍覆奸相統師明社屋西風禾黍吹思陵手
把遺詩忍終讀墨瀋飛揚意氣雄平原信國將無同百劫

叢中眞性在展卷颯拉來悲風

孟綏字伯川又字晴欄太谷人有龕山集

過萬柳堂有感

當年萬柳壯金臺此日空堂徧草萊偶有客從三徑過絕
無人處一花開鶯囀雜樹春將暮風滿危樓雨欲來不盡
深情憑弔裏鞭絲帽影暫徘徊

長生口卽事

一溪碧玉一茅亭誰戴黃冠讀道經卻上層樓憑短檻淡
煙寥廓數峯青

立秋前三日龍門口觀水

黃河之源不可窮蒼莽奔騰自天上千里一曲趨巽隅眞
見禹門疊層浪滔滔萬派爭一門一門一落幾千丈怒流

忽抵秦雍間上有雙峽扼其吭屹然岳勢分東西怪石峻
嶒怒相向我聞此間龍所宮尺木欲借洪濤壯中流颺忽
湧驪珠千瀑萬瀑勢懸放水華的灩犯斗牛水勢崩奔裂
崖嶂日腳倒射電光寒風霆白晝驚寥恍恂如巨石忽推
頽轟若奔車鬪萬兩又如鼓戰爭強雄萬馬驤騰不相讓
忽憶鴻蒙象帝先龍門突兀始誰扃偉哉微禹吾其魚疏
鑿鴻功誰與抗豁然一洗平生胸鸛雀樓頭恣遙望今朝
發興登龍門蒼茫百頃如沈瘴山氣凜凜隨陰風卻令耳
目得清曠始知秋氣橫太虛豪吟對此空惆悵

薰風樓懷古

我登薰風樓樓高一千尺仰造青雲端俯瞰雷夏澤隱隱
山四圍何處扳峭壁翔者古鸞凰蔭者古松柏遠望洪濤

天時代阻今昔有時風雨來俄傾水雲積水雲積復散落
照天將夕壯哉古帝京圖大中斯宅擊壤溯遺風謳思徧
左僻上下已千古興廢感基奔相傳五絃琴茲樓迺遺蹟
嫋嫋動餘音引手異常拍此調久不彈解阜眷帝力薰風
名其樓彈琴顏其額遙吟薰風歌風吹隴頭麥麥熟雉朝
飛憑弔何鄉客

苦雨

一聲聲斷續誰與對牀聽屋角鳩媒雨階頭草孕螢苔痕
封竹磴水氣上羅屏一夜悽無寐何人叩我扃

馮廷工字汝咨代州人諸生有蘊林詩集

家兄遠宦粵東今秋六十初度敬寄

老至難爲別何當路八千臨歧猶昨日

壬子冬假過里門留兩旬而別望

遠倏經年宦況清如水朋游散若煙舊時賓從無一人偕往者羊城與雁塞魂夢兩相牽

手足情尤重同懷予二人流光六十載別後卅餘春瘴海憐今日衰年異壯辰相期歸計早無用苦家貧

吳簡默字洵可狄道人有板屋吟詩草

山居雨夜寄文賢若

久得幽棲趣清閒似野僧山窗雲外磬板屋雨中鐙拋筆吟初斷開樽興轉增西峯凝翠靄著履共誰登

郊居

野色淡郊扉流連事不違疏風吹曉髮寒雨溼秋衣竹徑隨僧去山橋策蹇歸晚年幽意愜何必羨輕肥

文國幹字賢若號固齋狄道人諸生有竹嶼詩草

松鳴巖

巖阿堪入畫一望鬱蒼蒼山氣沈秋澗松陰斷夕陽遠雲
寒曳帶流水細吹簫卻羨探幽處林風撲酒涼

吳承禧字太鴻號小松狄道人諸生有見山樓詩草

過友人山莊

數畝園中地游人斷往還村居花事晚春晝鳥聲閒林密
行聞水窗虛坐見山更憐朝雨足野老亦開顏

游山寺

偶來禪院坐瀟灑意殊可僧出寂無人林風落山果

阿干驛晚眺

策蹇長途細詠詩秋風衰草亂人思斜陽古道閒回首幾
樹紅蕉出短籬

吳承福字綬之狄道人有檜亭詩草

送人南游次洵可兄韻

君游卑溼地寒暑慎衣裳今日聊同醉明朝卽異鄉馬行
函谷月舟度洞庭霜萬里離羣恨應從別後長

林鎬字遠峯龍巖人有雙樹生詩草

將至上海舟中作

吹笛向晴川波光滿泛船潮來知海近野闊覺天圓落日
明番舶秋風長木棉今宵黃歇浦應共老龍眠

舟中遠眺

兩岸寒郊一望賒西風吹過片帆斜艣聲入港聽非雁楓
影隔林疑是花積潦乍消空宿麥荒村欲破散飢鴉可憐
租稅從何出殘歲流亡定幾家

黃愷鋪字南英號南蔭嘉善人諸生有書耕堂詩集

從韞光至雲棲途中卽景

出入叢篁林山溪間村鵲濛濛夕照中人煙古原樹白雲
揚微鐘樵徑紛堪數日暮投僧房猿嘯夜深雨

雜詩

高堂有旨酒列坐有嘉客相逢燕趙徒攜我酌春夕香霧
蒙玉壺飛花落瑤席狼籍駝躑躅照座濃琥珀美人紅羅
襦微微送薌澤酒酣間浩歌歌聲慘不懌勸客盡此觴光
陰如電激今日清鏡顏明日青山晚百年不可知須爲目
前惜四座感此言舉觴更浮白樂哉此夕飲髡亦能一石
黃凱鈞字南薰號退菴嘉善人有友漁齋集

敬題先大父遺杖

未能家廟置衣裳惟此遺箴七尺長猶記晴和隨出入齊
看九十尙康強元孫解捧誇同里社酒扶歸先一鄉寂寞
人間將卅載小同青鬢亦添霜

夏日幽居

白芨花殘半夏生經時不向市中行一雙啄木忽飛至和
我山房擣藥聲

徐世鋼字及鋒號純齋嘉興人諸生有通介堂藁
將至淮上訪黃心菴以詩先之

秋風曾訂約莫謂我愆期飄泊真無狀窮愁但有詩投林
飛鳥倦歧路蹇驢遲相見弗相訝新添兩鬢絲

自題臨趙承旨畫

山轉溪迴去路遙桃花幾樹柳千條聲聲布穀一犁雨買

形影錄書圖卷一百一十二
十五
懷人歸樹裏橋

沈大成字集元號瘦客嘉善人諸生有靜觀齋詩集

贈漱冰上人

幽澗一勺汲清冷早謝湘江載月舲定裏春風閒挂錫吟
邊夜雨罷談經一編未放生涯冷片席容分佛火青我比
香山年未老肩與鳩杖更誰停

李三才字兼之嘉興人有茹古閣集

精嚴寺

挈友閒行及早涼精藍西畔足徜徉不知半日逢僧話萬
樹風聲下夕陽

李四維字秉之嘉興人有樹齋遺詩

蟋蟀

山郭江村雨後涼西風吹冷豆花香
疏籬草徑行人少蟋蟀吟時正夕陽

沈樸字雪友善化人有兼山堂詩鈔

詩話雪友本貫會稽父官桑柎居湖南最久遂占籍焉自號石帆山樵治法家言爲諸侯客菊溪相國尤倚之詩老蒼不落江湖流派

城陵磯

羣山青不斷峭壁兩崖開風助孤帆上江穿亂石來東陵
紛草樹西楚接樓臺直恐閒關老扁舟七往回

病起

支離衾枕歲時遷強起尋春倍惘然芳草當門隨路直落
花浮水到根圓談空示病同摩詰採藥求仙笑偃佺稍喜
園林風漸暝新晴恰在夕陽邊

路斯京字翰宗號玉山畢節人諸生

湖上

短帽青衫綠綺琴臨邛大道訪知音柳驚拂翠東風面花
惜飛紅夜雨心潭水雲沈千尺黑玉樓簫怨十重深斜陽
買得湖光住捐盡層波萬點金

童鳳詔原名聖俞字筠巖岷縣人諸生有敬慎堂詩藁
續感秋

平野蒼茫繞紫岑樓高不覺峭寒侵風塵鵬鵠摩空健橘
柚人家向晚深怕渚當年誰放棹挑鐙永夜但聞碪成連
方是真同調蕭瑟蓬萊一曲琴

負郭曾無數頃田下幃獨注蠶魚篇逢人漫作嵇生傲知
我終期鮑叔賢粳稻花香晴放犢菰蒲葉暗夜行船輸他

無限江村景欲賦閒居已惘然

翛然門巷晝常關抱影空牕獨往還鶴唳三秋聲轉警豹藏七日式逾斑江山平遠塵氛外雲雨荒唐朝暮間聞道微霜初度處蓼花蘆葉落溪灣

葉以照字青煥號東白錢塘人有黃山游草

浴溫泉宿紫雲庵

竹影蕭蕭紙帳懸僧寮清絕不成眠白龍潭下飛流急一夜泉聲到枕邊

秋日山居

秋樹瘦無比秋山淡可憐空亭長寂寂衰草帶寒煙

山亭新霽

林下雨初霽山亭空翠飛綠蘿長幾許著地掃苔衣

孫姓字西雍號白峯嘉善人諸生有半山詩集

雜感

出門風雨多入戶愁思結風雨亂我懷愁思白我髮秋色
無邊來陰蟲助淒切伊人榮悴同觸景感離別豈無芝與
蘭著體久芳潔悵望遠莫貽江波澹明滅

劉振智字虛谷漢川人有荆南堂集

贈陸少府東隅

秋風謾謾楚江寒路界通衢作尉難四十年來雙短鬢三
千里外一微官飲中佳客邀籬菊畫裏新詩託畹蘭回首
高堂雲水杳好將清慎報平安

襄游道中

望望荆門路征車晚更艱風高羊角墓秋老虎牙關清磬

不知寺夕陽無限山宜城多美釀憑仗一開顏

傅均字成叔號南橋漢川人

送華亭之吳下

西風送客雨連宵江上孤舟正寂寥曙色微分瓜步樹寒聲秋擁海門潮刀頭樂府悲歌裏白首斑衣涕淚遙越水吳山千萬里憶君東望幾魂銷

蛩聲

蛩聲何切切不斷花深處夜半寂無人殘月在高樹

傅培字臨川號滋圃漢川人有玉森堂詩鈔

送野園之鎮遠

黔東是我曾游處今日輕帆爾又過垂老弟兄當遠別臨歧涕淚各悲歌水連湘北風濤壯地接滇南瘴癘多回首

天涯兒女小官齋歲月易蹉跎

傅垣字星城號野園漢川人諸生有野園詩集

登太白樓

騷人謫去千年古江上長傳太白樓造物生才多不偶登
高有客又悲秋雲邊雁影當窗出天際濤聲抱郡流惟愛
郎官深夜月清暉依舊似前游

聞笛

美人憑畫閣玉笛弄高秋一片中天月清光若爲留我情
亦何遣歸夢渺難求消息經年斷征途阻且修

岳東瞻字起霞漢川人

春眺

信步尋春去環郊綠一圍花香涵雨潤柳絮逐風飛舞蝶

留疏影歌鶯弄落暉徘徊溪路轉攜手送雲歸

李蟠字子根號雪坪漢川人有雲帶樓詩

北固樓

踏閣攀林興未休茫茫吳越此登樓微雲捲雨來京口落日迴光見泰州城郭對分南北限江山合抱古今流仲謀往事無人問鐵甌笳聲起暮愁

張廷蘭字春皋漢川人諸生有白梅山館詩集

訪圓桐道士不遇

西風捲黃葉秋氣滿空山迺與二三子來游雲水間古松盤谷口飛瀑繞禪關問訊燒丹客疏泉夜不還

寄萬鶴峯

晨興蓬戶掩涼意在庭柯落葉前階滿秋聲昨夜多故人

隔溪水詩思寄煙蘿曾有黃花約西風策蹇過

陳巖字芹溪江陵人諸生

秋懷

西風隨雁影吹落洞庭波黃葉一林滿清霜昨夜多美人
夢涼月之子隔煙蘿秋思長無極徘徊倚瑟歌

黃湘南字一吾號石櫓甯鄉人諸生有大潯山房詩集

晚泊

煙明水淨小洲圍閒倚孤舟對落暉細浪翻風魚欲出殘
雲擁樹鳥知歸川原歷歷蕎花秀關塞蕭蕭客旅稀生事
不堪逢歲暮且從江上學忘機

永興夜泊

重重山樹暗歷歷水花幽落日荒城市殘雲古驛樓飄零

仍七澤寂寞卽孤舟入夜看明月鄉關動客愁

渡湘江

滿林黃葉鳥聲稀渡口微風拂客衣十幅輕帆天外落澄江如練一船歸

發沅江

午發沅江縣微風一棹安山趨南嘴盡水入洞庭寬極浦潛空翠芳洲生暮寒蕭蕭驚歲晚天外雁聲殘

過大目寺

筍輿度危嶺蘭若響疏磬滿院修竹深參天古松勁林光靜猿心花氣和鳥性石龕熱沈檀香散微風定我來禮瞿曇塵心一時淨

曾衍先字樹本號補之善化人長沙宗聖廟奉祀生有

話陶窗稟

仁兒讀書鄂湖僧舍

招提蕭瑟意何如遙念挑鐙夜讀書面壁長年應倍悟達
摩功勝渡江初

羅修茲字在軒湘潭人有辛甲存稟

春晚

齋居白晝靜桃李綠陰生鳥性悅喧節山光開驟晴碧苔
綠不盡紅雨落無聲未惜春將暮悠悠玩物情

張祈倬字雲田長沙人諸生有四詠堂詩賸

道士湫

緜緜長江水磷磷道士磯江豚吹浪出石燕掠空飛樹倚
懸巖立帆隨遠岸微放翁詩最好吟罷想依稀

題畫

山徑如聞伐木聲
巖前坐見白雲生
深林絕壑多歧路
莫向斜陽盡處行

李馥字毓才號松齋新化人諸生

偶步承熙寺

熙甯古刹有遺蹤
零落亭臺第幾重
鐙影照殘僧鬢短
苔痕添上佛頭濃
豫章白晝號風雨
廢院黃昏寂鼓鐘
四十入庵何處問
荒煙如許一扶筇

陳廷紳字書之號端階祁陽人

夢薌閣次五叔父韻

久客消閒俗累輕
憑闌凝望遠山平
眼前樹影橫秋色
耳底溪流咽雁聲
惜憶香醅消旅邸
於今詩思落江城
探幽

恰喜無餘事自向空階彳亍行

張懷溥字雨山漢州人貢生有十笏山房詩鈔

姚少師影堂

病虎眈眈目三角出世之身將相略英雄混迹到空門畫
上淩煙頂上禿生平知己袁柳莊睥睨北固放歌狂豈有
陰符傳道士別將大業勸燕王靖難之師吳淠耳燕子高
飛何足齒若教生遇王文成也與宸濠同一死三戰三北
氣愈厲三年斨斧公且憊豈知帷幄大有人爲王畫出南
征計金川門破宮殿開此日成王安在哉一僧變服走湖
海一僧冠佩上雲臺功成天子親賜姓酬庸妙選宮妝靚
慈悲捨卻殺機生散花可證禪心淨人言風采劉子聽我
道金剛努目同還家耐得申申詈破戒都歸色色空玉帶

錦袍登寶界佛門廣大了無碍西山尙有大師墳多恐老
僧難下拜

晚晴移詩匯卷一百十二終